

## ხელშეკრულება #02/45 სახელმწიფო შესყიდვის შესახებ

ქ. თბილისი

11 ივლისი 2011 წელი

ერთის მხრივ, საჯარო სამართლის იურიდიული პირი – არასაპატიმრო სასჯელთა აღსრულებისა და პრობაციის ეროვნული სააგენტო (ქ. თბილისი, ალ. ყაზბეგის გამზ. #42),  
წარმოდგენილი სააგენტოს უფროსის მოადგილის მიხეილ ლურჯაიას სახით,  
საიდენტიფიკაციო კოდი: 204 534 502;  
საბანკო რეკვიზიტები: სს „საქართველოს ბანკი“ - ცენტრალური ფილიალი;  
ბანკის კოდი: BAGAGE22;  
ანგ/ნომერი: 771 056 400;  
(შემდგომში “შესყიდველი”).

და მეორეს მხრივ, ი/მ „გიორგი ღლონტი“ (ქ. თბილისი, ალ. ყაზბეგის გამზ. #42),  
წარმოდგენილი დირექტორის გიორგი ღლონტის სახით,  
პირადი ნომერი: 01008001232  
საბანკო რეკვიზიტები: სს „პროკრედიტ ბანკი“;  
ბანკის კოდი: MIBGGE22;  
ა/ა: 212 711 393;  
(შემდგომში “მიმწოდებელი”).

იმის გათვალისწინებით, რომ შესყიდველმა ჩაატარა კონკურსი №113 საპროექტო-სახარჯთაღრიცხვო სამუშაოების შესყიდვაზე, რომელშიც გამარჯვებულად მიჩნეულ იქნა მიმწოდებლის საკონკურსო წინადადება, რომლის თანახმად მიმწოდებელმა აიღო ვალდებულება გაუწიოს შესყიდველს ზემოაღნიშნული მომსახურება შემდეგ თანხაზე: 15 000.00 ლარი (თხუთმეტი ათასი ლარი და 00 თეთრი) შემდგომში „ხელშეკრულების ღირებულება“.

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შესყიდველ ორგანიზაციასა და კონკურსში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შესყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შესყიდველი ორგანიზაცია“ (შემდგომ „შესყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება კონკურსში და უწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში.
- 1.5 „დღე“, „კვირა“, „თვე“ ნიშნავს სამუშაო დღეს, კვირას, თვეს.

### 2. ხელშეკრულების საგანი

- 2.1 ხელშეკრულების საგანს წარმოადგენს ქ. გორში, სუხიშვილის ქუჩის მიმდებარე ტერიტორიაზე სსიპ - არასაპატიმრო სასჯელთა აღსრულებისა და პრობაციის ეროვნული სააგენტოს - შიდა ქართლის რეგიონალური ბიუროს ადმინისტრაციული შენობისა და ტერიტორიის (ეზოს) კეთილმოწყობის არქიტექტურული კონცეფციისა და სრული საპროექტო-სახარჯთაღრიცხვო სამუშაოებისათვის საჭირო საპროექტო მომსახურება დანართი #1 შესაბამისად.

- 2.2 ხელშეკრულების ფარგლებში გასაწევი მომსახურება უნდა შეესაბამებოდეს ტექნიკურ პირობებში მითითებულ სტანდარტებს.
- 2.3 CPV კოდი: 71320000 - საინჟინრო-საპროექტო მომსახურება.

### 3. ხელშეკრულების შესრულების კონტროლი

- 3.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან მონიტორინგი, რათა დარწმუნდნენ მათ შესაბამისობაში კონტრაქტით გათვალისწინებულ პირობებთან.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა შენიშვნის აღმოფხვრა.
- 3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ - არასაპატიმრო სასჯელთა აღსრულებისა და პრობაციის ეროვნული სააგენტოს მიერ შექმნილი საკონკურსო კომისია.

### 4. მიწოდების პირობები და ვადები

- 4.1 მიმწოდებელი ვალდებულია ხელშეკრულების გაფორმებიდან 21 (ოცდაერთი) კალენდარული დღის განმავლობაში წარმოადგინოს სრულყოფილი პროექტი (ელექტრონული ვერსია ArchiCAD-ის ან AutoCAD-ის პროგრამაში და პროექტის ყველა შემადგენელი ფურცელი PDF ფაილის სახით) შემადგენლობით:
  - 4.1.1 არქიტექტურული პროექტი: თავფურცელი; განმარტებითი ბარათი; ტექ.ეკონომიკური მაჩვენებლები; სიტუაციური გეგმა; გენ.გეგმა (მოსასვენებელი სკვერით, ავტოსადგომით ტევადობით დაახლოებით 5 ავტ.-ზე); საძირკვლის გეგმა; ავარიული გეგმა (სავალდებულოა ავარიული გასასვლელი); გადახურვის გეგმა; ფასადები და ჭრილები; ვიზუალიზაცია (ფოტომონტაჟი, 3D ვიზუალიზაცია); გამოყენებული მასალების სპეციფიკაცია;
  - 4.1.2 სუსტი დენები (კომპიუტერული, სატელეფონო და სატელევიზიო ქსელები);
  - 4.1.3 სახანძრო სიგნალიზაციის სისტემა;
  - 4.1.4 ვიდეო-სათვალთვალო სისტემა;
  - 4.1.5 გათბობა;
  - 4.1.6 ვენტილაცია და კონდიციონერება;
  - 4.1.7 სარეზერვო ელექტრო მომარაგება (დიზელ-გენერატორი, დამიწების კონტური, ავტომატური გადამრთველით და დამცავი ნაგებობით);
  - 4.1.8 შენობის ფასადური ნაწილის განათების დიზაინი და სქემა;
  - 4.1.9 ეზოს სარწყავი სისტემის სქემა;
  - 4.1.10 ეზოს განათების სისტემა;
  - 4.1.11 კონსტრუქციული ნაწილი;
  - 4.1.12 მშენებლობის ორგანიზების პროექტი, მშენებლობის გრაფიკი;
  - 4.1.13 სამშენებლო-სარემონტო სამუშაოების ხარჯთაღრიცხვა (მაქსიმალური ღირებულება 250 000 ლარი).
- 4.2 მიმწოდებელი ვალდებულია საკუთარი ხარჯებით უზრუნველყოს შესრულებული სამუშაოების ექსპერტიზა სსიპ "ლევან სამხარაულის სახელობის სასამართლო ექსპერტიზის ეროვნულ ბიუროში".
- 4.3 მიმწოდებელი ვალდებულია პროექტის რეალიზების პერიოდში განახორციელოს მიმდინარე სამუშაოების საპროექტო ზედამხედველობა და საჭიროების შემთხვევაში შეიტანოს ცვლილებები და დამატებები საპროექტო დოკუმენტაციაში.
- 4.4 თუ მიწოდების ვადის ბოლო დღე ემთხვევა არასამუშაო დღეს, შემსყიდველს უფლება აქვს შესრულებული სამუშაოს მიღება განახორციელოს მომდენენო სამუშაო დღეს.

### 5. შესყიდვის ობიექტის მიღება-ჩაბარების წესი

- 5.1 შესყიდვის ობიექტის მიღება-ჩაბარება განხორციელდება ერთიანად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, რომლებშიც აღნიშნული



უნდა იყოს ღირებულება და შესაბამისობა ხელშეკრულების პირობებთან, ხელშეკრულების რეკვიზიტები, მიღება-ჩაბარების გაფორმების თარიღი და ადგილი.

5.2 მომსახურების მიღება-ჩაბარებაზე პასუხისმგებელი პირები არიან სსიპ - არასაკაპიტმო სასჯელთა აღსრულებისა და პრობაციის ეროვნული სააგენტოს მიერ შექმნილი საკონკურსო კომისია.

## 6. ანგარიშსწორება

6.1 ფასი გამოსახულია საქართველოს კანონმდებლობით გათვალისწინებული საპროექტო-სახარბაშო დოკუმენტაციის შედგენასთან დაკავშირებული ყველა ხარჯისა და გადასახადის გათვალისწინებით.

6.2 ანგარიშსწორება მოხდება უნაღდო ანგარიშსწორებით ლარში.

6.3 დაფინანსების წყარო: 2011 წლის არასაბიუჯეტო შემოსავლები.

6.4 ანგარიშსწორება განხორციელდება მხარეთა შორის მიღება-ჩაბარების აქტისა და სსიპ "ლევან სამხარაულის სახელობის სასამართლო ექსპერტიზის ეროვნულ ბიურო"-ს დადებითი დასკვნის საფუძველზე, არაუგვიანეს 10 (ათი) სამუშაო დღის განმავლობაში.

6.5 მოთხოვნის შესაბამისად, შესაძლებელია საავანსო ანგარიშსწორება არაუმეტეს ხელშეკრულების ღირებულების 40%-ის ოდენობით.

## 7. ფასები

7.1 შესყიდვის ობიექტის ფასი განისაზღვრება ლარებში.

7.2 შესყიდვის ობიექტის დეტალური აღწერა მოცემულია დანართ #1-ში.

7.3 შესყიდვის ობიექტის საერთო ღირებულება შეადგენს 15 000.00 ლარი (თხუთმეტი ათასი ლარი და 00 თეთრი) ლარს.

7.3.1 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

## 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 9. უფლებების გადაცემა

9.1 მიმწოდებელს უფლება არ აქვს მოახდინოს შესრულებული პროექტის რეალიზება (განხორციელება) სხვა დამკვეთისათვის.

9.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

## 10. ხელშეკრულების შესრულების გარანტია

10.1 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, კონკურსში გამოიყენება გარანტირების მექანიზმის შემდეგი სახე - საბანკო გარანტია (საბანკო ან სადაზღვევო დაწესებულებიდან), ხელშეკრულების საერთო ღირებულების 5%-ის ოდენობით.

10.2 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯერონად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება.



- 10.3 საბანკო გარანტიის მოქმედების ვადა მინიმუმ 30 დღით უნდა აღემატებოდეს შესყიდვის ობიექტის (მომსახურების გაწევს) მიწოდების საბოლოო ვადას.
- 10.4 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება კონტრაქტის ვადის ამოწურვის შემდგომ 30 კალენდარული დღის ვადაში.
- 10.5 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.
- 10.6 მიმწოდებლის მხრიდან წარმოდგენილია: სს სადაზღვევო კომპანია „ჯი პი აი ჰოლდინგი“-ს ს მიერ 2011 წლის 08 ივლისს გაცემული ხელშეკრულების შესრულების საბანკო გარანტია #FG 0613/11, თანხით 750.00 ლარი (შვიდასორმოცდაათი ლარი და 00 თეთრი), რომლის მოქმედების ვადა განისაზღვრება 2011 წლის 08 ივლისიდან 2012 წლის 01 თებერვლის ჩათვლით.

**11. ხელშეკრულების პირობების შეუსრულებლობა**

- 11.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1%-ს.
- 11.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 11.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

**12. ხელშეკრულების შეწყვეტა მისი პირობების შეუსრულებლობის გამო**

- 12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
  - 12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია უზრუნველყოს მომსახურების გაწევა ან მისი ნაწილისა;
  - 12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
  - 12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - 12.3.2 მიმწოდებლის გაკოტრების შემთხვევაში;
  - 12.3.3 თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
  - 12.3.4 საქართველოს კანონმდებლობით გათვალისწინებულ სხვა შემთხვევებში.
- 12.4 ამ ხელშეკრულების 12.3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

**13. ფორს-მაჟორი**

- 13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალაზრებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და



საქონლის ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

#### 14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დაევა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

#### 15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### 16. ხელშეკრულების ენა

16.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

#### 17. შეტყობინება

17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელ. ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

#### 18. გადასახადები და დაბეგვრა

18.1 უცხოელი მიმწოდებელი პასუხს აგებს გასაწევი მომსახურების მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

#### 19. ხელშეკრულების მოქმედების ვადა

19.1 წინამდებარე ხელშეკრულება ძალაშია ზემოთ მითითებული თარიღიდან და მოქმედებს 2011 წლის 31 დეკემბრამდე.

#### 20. სხვა პირობები

20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

- 20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 20.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 20.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.
- 20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

სსიპ - არასაპატიმრო სასჯელთა აღსრულებისა და პრობაციის ეროვნული სააგენტო



მიხეილ ღურჯაია

მიმწოდებელი:

ი/მ „გიორგი ღლონტი“

გიორგი ღლონტი

### ტექნიკური დავალება

შენობის აღწერილობა:

შენობა უნდა იყოს ორიგინალური, არასტანდარტული ფორმებისა და მოყვანილობის, მაქსიმალურად პრაქტიკული გამოყენებისათვის, ხოლო შენობის ფასადური ნაწილი უნდა იყოს შემინული.

შენობის აშენებისა (რემონტის გათვალისწინებით) და ეზოს მოპირკეთების სახარჯთაღრიცხვო ღირებულება არ უნდა აღემატებოდეს 250 000 (ორას ორმოცდაათი ათასი) ლარს.

ზოგადი მონაცემები:

საშენებლო მოედნის (მიწის ნაკვეთი) ფართი - 521 კვ. მეტრი;

საშენებელი შენობის საერთო სავარაუდო ფართი - 200-250 კვ. მეტრი

შენობაში უნდა განთავსდეს:

- მისაღები ჰოლი;
- უფროსის ოთახი (მოსასვენებელი ოთახი, ტუალეტი და საშხაპე);
- საერთო ოთახი 8 თანამშრომლისათვის;
- საოპერატორო 2 ოპერატორისათვის;
- სათათბირო ოთახი 20-25 თანამშრომლისათვის;
- 2 ოთახი ვიდეო პეიმანისთვის (დაახლოებით 6-6 კვ.მ);
- ინდივიდუალური გასაუბრების ოთახი (დაახლოებით 8 კვ.მ);
- ფსიქოლოგის ოთახი (დაახლოებით 8 კვ.მ);
- არქივი(დაახლოებით 10 კვ.მ);
- 2 სან.კვანძი (კაცების, ქალების);
- სამზარეულო;
- საკუჭნაო.

განაშენიანების კოეფიციენტები:

K1 = 0,5; K2 = 1,8; K3 = 0,1

შემსყიდველი:

სსიპ - არასაპატიმრო სასჯელთა აღსრულებისა და პრობაციის ეროვნული სააგენტო



მიხეილ ლურჯავია

მიმწოდებელი:

ი/მ „გიორგი ღლონტი“

გიორგი ღლონტი





სსიპ არასაპატიმრო სასჯელთა აღსრულების სააგენტო

**ხელშეკრულების შესრულების საგარანტიო უზრუნველყოფა  
(საბანკო გარანტია)  
FG 0613/11**

ვის: სსიპ არასაპატიმრო სასჯელთა აღსრულებისა და პრობაციის ეროვნულ სააგენტოს

მხედველობაში ვიღებთ რა, რომ იმ გიორგი ლლონცი-მ (ს/კ: 01008001232), შემდგომში "მიმწოდებელმა" სსიპ არასაპატიმრო სასჯელთა აღსრულებისა და პრობაციის ეროვნული სააგენტო-ის წინაშე იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, (საპროექტო-სახარჯთაღრიცხვო სამუშაოების შესყიდვა ) მის მიერ მოთხოვნილ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით არაუმეტეს თანხაზე 750 (შვიდას ორმოცდაათი ) ლარი და ვკისრულობთ ზემო აღნიშნული თანხის გადახდას "მიმწოდებლის" მიერ სსიპ არასაპატიმრო სასჯელთა აღსრულებისა და პრობაციის ეროვნულ სააგენტოსთან დადებული ხელშეკრულებით ნაკისრი ვალდებულების დარღვევის საფუძველზე თქვენი დასაბუთებული წერილობითი მოთხოვნის მიღებისთანავე 30 (ოცდაათი) სამუშაო დღის მანძილზე.

საგარანტიო უზრუნველყოფა ძალაშია 2011 წლის 08 ივლისიდან 2012 წლის 01 თებერვლის ჩათვლით. საგარანტიო ხელშეკრულების ვადის გასვლის შემდგომ მოთხოვნა საგარანტიო თანხის გადახდაზე სსიპ არასაპატიმრო სასჯელთა აღსრულებისა და პრობაციის ეროვნული სააგენტოს მხრიდან აღარ მიიღება.

ეს გარანტია გაცემა პრინციპალთან (მიმწოდებელთან) 2011 წლის 08 ივლისის გაფორმებული მომსახურების გენერალური ხელშეკრულების №GA 229/11 საფუძველზე.

გარანტი

სს "სადაზღვევო კომპანია ჯი პი აი პოლდინგი"

ვალერიანი კაკულია

ფინანსური რისკების მართვის  
განყოფილების უფროსი

თარიღი: 08.07.2011

